



Broj: JN-1/18.7.3-16.4-11/23

Datum: 04.08.2023. godine

Na osnovu člana 61. Zakona o Upravi ("Službeni glasnik BiH", broj 32/02 i 102/09), člana 22. stav 1. Zakona o službi za poslove sa strancima ("Službeni glasnik BiH", broj 54/05 i 36/08), člana 64. stav (1) tačka b), člana 70. Zakona o javnim nabavkama Bosne i Hercegovine („Službeni glasnik BiH“, broj 39/14 i 59/22) i Zapisnika o pregledu dokumentacije i traženje saglasnosti za dodjeljivanje Ugovora drugorangiranom ponuđaču, broj: JN-1/18.7.3-16.4-11/23 od 03.08.2023. godine, direktor Službe d o n o s i:

## **O D L U K U**

### **Član 1.**

Prihvata se preporuka Komisije za javne nabavke Službe o dodjeli Okvirnog sporazuma drugorangiranom ponuđaču, na osnovu kriterija najniže cijene u otvorenom postupku javne nabavke sukcesivnih isporuka prehrambenih proizvoda i hljeba za potrebe korisnika Imigracioniog centra, a poslije provedene E-aukcije i to:

- **LOT-1 - Sukcesivne isporuka prehrambenih proizvoda za potrebe korisnika Imigracioniog centra „ GOLD MIGNON“ d.o.o. Sarajevo** sa ukupnim iznosom ponude od **57.530,00 KM** bez uračunatog PDV-a.

### **Član 2.**

Ugovorni organ će u roku od 5 dana dostaviti na potpis i ovjeru ponuđaču iz člana 1. ove Odluke potpisan i ovjeren Okvirni sporazum sa svoje strane računajući od dana zaprimanja saglasnosti Pravobranilaštva BiH na Protokolu Službe.

Ponuđač čija je ponuda izabrana kao najpovoljnija obavezuje se da dostavljeni potpisani i ovjereni Okvirni sporazum potpiše i ovjeri **u roku od 10 dana** od dana prijema, te da isti dostavi na Protokol Službe za poslove sa strancima.

U suprotnom Služba za poslove sa strancima smatrat će da je izabrani ponuđač odustao od Okvirnog sporazuma i dodjelit će Okvirni sporazum drugorangiranom ponuđaču.

### **Član 3.**

Za realizaciju ove Odluke zadužuje se Sektor za administraciju.

### **Član 4.**

Ova odluka objavit će se na web stranici Ugovornog organa, [www.sps.gov.ba](http://www.sps.gov.ba), i istovremeno će se uputiti ponuđačima koji su učestovali u postupku javne nabavke.

### **Član 5.**

Odluka stupa na snagu danom donošenja.

## O b r a z l o ž e n j e

Postupak javne nabavke pokrenut je Odlukom o pokretanju procedura javne nabavke sukcesivnih isporuka prehrambenih proizvoda i hljeba za potrebe korisnika Imigracionog centra broj: JN-1/18.1-16.4-11/23 od 03.03.2023. godine i proveden je putem otvorenog postupka.

Tenderska dokumentacija i obavještenje o nabavci broj 1420-1-1-9-8-23/23 objavljeni su na Portalu javnih nabavki.

Na osnovu objavljenog obavještenja o nabavci za sukcesivne isporuke prehrambenih proizvoda za potrebe korisnika Imigracionig centra ponude su dostavila 2 (dva) ponuđača i to:

- „GOLD MIGNON“ d.o.o. Sarajevo
- „LALA I LAĆO“ d.o.o. Bijeljina

Ugovorni organ je za sukcesivne isporuke prehrambenih proizvoda i hljeba za potrebe korisnika Imigracionog centra planirao provođenje E-aukcije.

Komisija za javne nabavke izvršila je evaluaciju ponuda i prije dostavljanja Zapisnika o pregledu i ocjeni ponuda direktoru na saglasnost dostavila je Sektoru za administraciju Spisak ponuđača za LOT-1 čije ponude ispunjavaju uslove za E-aukciju i to:

- „GOLD MIGNON“ d.o.o. Sarajevo
- „LALA I LAĆO“ d.o.o. Bijeljina

E-aukcija je bila zakazana dana 11.07.2023. godine u 10:00 sati kroz sistem E-nabavke a na kojoj su učestvovali gore navedeni ponuđači gdje je nakon provedene E-aukcije najpovoljniji ponuđač „LALA I LAĆO“ d.o.o. Bijeljina.

Komisija za javne nabavke Službe imenovana Odlukom direktora broj: 18.1-16.4-170/23 od 09.02.2023. godine dostavila je direktoru Zapisnik o pregledu i ocjeni ponuda broj JN-1/18.7.3-16.4-11/23 od 14.07.2023. godine i uputila preporuku direktoru Službe za izbor najpovoljnijeg ponuđača.

Direktor Službe donio je Odluku broj: JN-1/18.7.3-16.4-11/23 od 19.07.2023. godine, kojom je prihvatio preporuku Komisije o dodjeli Ugovora prvorangiranom ponuđaču „LALA I LAĆO“ d.o.o. Bijeljina

Navedena Odluka dostavljena je prvorangiranom ponuđaču u prilogu akta, broj: : JN-1/18.7.3-16.4-11/23 od 21.07.2023. godine, te je istim aktom izabrani ponuđač obavješten da je u skladu sa tačkom 2.5 Tenderske dokumentacije, obavezan dostaviti ovjeren obrazac za cijenu ponude (aneks 3) sa umanjenim cijenama nakon provedene e-aukcije.u roku najkasnije do 01.08.2023. godine na protokol Službe bez obzira na način dostave (lično ili poštom).

Međutim prvorangirani ponuđač, do gore navedenog roka nije dostavio traženu dokumentaciju, odnosno istekao mu je ostavljeni rok za dostavu iste. Ugovorni organ je navedenom ponuđaču uputio upit putem e-maila i zatražio pojašnjenje dali je i ako nije, zašto nije poslao ovjeren obrazac za cijenu ponude.

Ponuđač „LALA I LAĆO“ d.o.o. Bijeljina dostavio je e-mail u kome je naveo da odustaje od Ugovora.

Shodno navedenom, Komisija za javne nabavke predložila je direktoru Službe da donese novu Odluku o potpisivanju Ugovora sa drugorangiranim ponuđačem „**GOLD MIGNON**“ **d.o.o. Sarajevo** čija ponuda ispunjava sve uslove iz tenderske dokumentacije i ocijenjena je kao drugorangirana za LOT-1 „nabavka sukcesivna isporuka prehrambenih proizvoda“ za potrebe korisnika Imigracioniog centra“, nakon provedenog postupka e-aukcije iznosi **57.530,00 KM** bez uračunatog PDV-a.

Uzimajući u obzir navedeno, odlučeno je kao u dispozitivu ove Odluke.

### **Pouka o pravnom lijeku**

Protiv ove Odluke može se izjaviti žalba Uredu za razmatranje žalbi putem Službe za poslove sa strancima u roku od 10 (deset) dana od dana prijema ove Odluke.

Dostaviti:

- svim ponuđačima
- web stranica Službe
- a/a

